

LOCUENA LIJE'E SAN JUAN LINI'ĒPA ĽIPIMA CACA'NO'

¹Iya' nitojpa xans. Quini'elhuo' ima' maipima caca'no' jouc'a lonaxque'. Ima' i'huij'epo' ĽanDios. Ma' anuli lihuejcoyi al Ľinca Cataiqui', toĽiya ca'elhuo' capic'a. Ai' ma le'a iya' ca'elhuo' capic'a. Jahuay lapimaye petsi limetsaicopá al Ľinca Cataiqui' jouc'a ti'elhuo' capic'a. ²IĽe al Ľinca Cataiqui' joupa ifayiya laĽpicuejma'. Aimi'iya maliĽonc'e'enyaconga'. Lihuejcoyi Lataiqui' toĽiya aĽelhuo' capic'a.

³Ma malihuejcoyi al Ľinca Cataiqui', ma maĽela' capic'a laĽpimaye, ĽanDios ca'Āilli' y Jesucristo Ľi'Hua ĽanDios aĽtoc'i'monga', aĽnujuais'monga', aĽsim'monga' nin'icuanuc'la. AĽpac'e'e'monga' laĽpicuejma'.

⁴Juaiconapa tixoqui neta aixim'mola' lonaxque' tihuejcoyi al Ľinca Cataiqui'. Ma to ca'Āilli' ĽanDios laĽcuxe'eponga' aĽĽe, ma toĽta'a ti'eyi iĽiya.

⁵Maipima caca'no', itsiya tipa'a laifxahue'eyacolhuo'. IĽe laifxc'ai'iyacolhuo' a'i ituca' cataiqui' ni ts'e cataiqui'. Caxc'ai'i'molhuo' tonĽĽe ma to joupa laĽcuxe'eponga'. Al coĽta aĽquimf'epá iĽta'a lataiqui'. Itsiya caxa'huelhuo', caxc'ai'ilhuo':

Illanc' ninc'apimaye, aĽetsoĽtsi capic'a. ⁶Ja'ni aĽeyi laĽcuxe'eponga' ĽanDios, jiĽpe Ľinca aĽeyoĽtsi capic'a. Joupa oĽquimf'epá toĽta'a. Al coĽta icuxe'empolhuo' te ts'i'ic' loluyalaicoyacu lapajnya. Ixc'ai'impolhuo': "TonĽetsoĽtsi capic'a".

⁷Ja'ni tonĽeyoĽtsi capic'a ti'hua tolihuejco'me toĽta'a al Ľinca Cataiqui'. Ja'ni tonĽeyoĽtsi capic'a aimifel'miyacolhuo'. Timana' axpela' Ľinfel'miyale joupa aĽpo'noponga' caĽtuca'. Tiyelocoyi fa'a Ľi'a Ľamats'. IĽne Ľinfel'miyale aimi'eyi Ľinca Jesucristo i'huamma fa'a Ľi'a Ľamats'. Aimi'eyi Ľinca i'epoxi xans, ticuayi: "Aimi'iya mi'eya toĽta'a". IĽne nocuapá toĽta'a ixanuc' cal cueca' quinfel'miyale tecui'impá: cal Anticristo.

⁸Imanc' tonĽetsoĽtsi cuenna. Ti'hua tolihuejco'me iĽe laĽmuc'ipolhuo' jiĽpiya. AimoĽpai'i'moĽtsi. ToĽta'a tolulij'me nulemma lapi'iyacolhuo' ĽanDios.

⁹Petsi no'epoĽtsi omxiye, ja'ni aimihuejconayi lataiqui' Ľimuc'iyalepa Jesucristo, iĽne aimiyeyi anuli ĽanDios. Petsi ti'hua tihuejcoyi Ľimuc'iyalepa

Jesucristo, iĥne aimenajyołtsi,
 tiyeyi anuli całAilli' ŁanDios.
 Jouc'a tiyeyi anuli ĥi'Hua, iłque
 Jesucristo.

¹⁰Jiłpe lolajut'ł ja'ni ticuaitsi
 petsi ituca' lomuc'iyalepa, a'i
 iłe limuc'iyalepa Jesucristo,
 aimolapenuf'me lolajut'ł.
 Aimolnom'me to colpima.

¹¹Ja'ni tonona to copima ima'

to'onlıco'moxi to iłquiya. Tocomma
 to ima' jouc'a ixcay lołepa.

¹²Ti'hua tehue'e' laifnu'iyacolhuo'.
 Itsiya aimi'hua quiniłeyacolhuo'.
 Cacua: Cahuejntolhuo', ałsinnołtsi.
 Ałpalaic'otołtsi, iya' imanc'. Tołta'a
 tenanł'ma lałpinoxma cata.

¹³Tinonghuo' linaxque' łopima
 caca'no'. Iłque jouc'a i'huif'epa
 ŁanDios.